

اتوار 23 فروری، 2020

مضمون۔ عقل

سنہری متن: زبور 10: 94 آیت

”اوہ جیہڑا تو ماں نوں تنبیہ کرداتے انسان نوں سیان سکھاؤندا اے۔“

جوابی پڑھائی: خروج 20 باب 2 توں 4 آیتاں

امثال 2 باب 6 توں 8 آیتاں

2۔ خداوند تیرا رب جیہڑا تینوں مصر دے ملک وچوں تے غلامی دے گھر وچوں کڈھ لیا گیا میں واں۔

3۔ میرے سامنے توں غیر معبوداں نوں نہ منیں۔

4۔ تُوں اپنے لئی کوئی تراشی ہوئی مورت نہ بنائیں۔ نہ کسے شے دی صورت بنائیں جیہڑی اُتے آسمان وچ یا میٹھاں دھرتی اُتے یاد دھرتی دے میٹھاں پانی وچ اے۔

6۔ ایس لئی پئی رب سیان بختدا اے۔ علم تے فہم اوہدے منہ وچوں ای نکلدے نیں۔

7۔ اوہ راستبازاں لئی مدد تیار رکھدا اے تے راست رو لئی سپراے۔

8- تاں جو اوہ عدل دیاں راہواں دی نگہبانی کرے تے اپنے مقدرساں دی راہ نوں محفوظ رکھے۔

درسی وعظ

بائبل وچوں

1- ملاکی 4 باب 2 (آتے) 4 آیتاں

2-۔۔۔ تہاڈے اُتے جیہڑے میرے ناں دی وڈیائی کردے او سورج سچا طلوع ہووے گا تے اوہ دیاں کرناں وچ شفا ہووے گی تے تسی گاؤ خانے دے وچھیاں وانگر اچھلوٹھو گے۔

3- تے تسی شریراں نوں پامال کرو گے کیوں جے اوس دن اوہ تہاڈے پیراں دی مٹی ہوون گے فوجاں دارب ایہہ آکھداے۔

4- تسی میرے بندے موسیٰ دی شریعت یعنی اوہناں حکماں تے فرضاں نوں جیہڑے میں حوریب دے پہاڑ اُتے ساری اسرائیلی قوم لئی آکھے سی یاد رکھو۔

2- 1 سیموئیل 30 باب 1 توں 6، 8 توں 10 (توں:)، 11، 15 (توں؟)، 16 (توں پنچواں)، 17 (توں:)،
18، 19 آیتاں

1- تے اتخ ہوئی پئی جدوں داؤد تے اوہدے لوک تیجے دن صقلاج وچ اپڑے تے ویکھیا پئی عمالیقیماں نے جنوبی
حصہ تے صقلاج اُتے چڑھائی کر کے صقلاج نوں ماریا تے اگ نال ساڑ جھڈیا۔

2- تے بڑھیاں نوں تے جنسے نکلے وڈھے او تھے سی ساریاں نوں غلام کر لیا۔ اوہناں نے کسے نوں قتل نہیں کیتا
پر ساریاں نوں او تھوں لے کے ٹر گئے سی۔

3- تے جدوں داؤد تے اوہدے لوک اوس شہر وچ اپڑے تے ویکھیا پئی شہر اگ نال سڑیا پیا سی تے اوہناں
دیاں بڑھیاں تے پتر تے دھیاں غلام ہو گئیاں نیں۔

4- تے داؤد تے اوہدے نال دے لوکی چیک چیک کے روون لگے ایہ تھے تیکر پئی اوہناں وچ روون دی طاقت وی
نہ رہی۔

5- تے داؤد دیاں دونوں بڑھیاں بزر عملی اجینو عم تے کر ملی نال دی بڑھی ایجمل غلام ہو گئیاں سی۔

6- تے داؤد بڑے شکنجے وچ سی کیوں بے لوکی اوہنوں سنگسار کرن والے سی ایس لئی پئی لوکاں دے دل اپنے
دھیاں پتر اں لئی بوہت دکھی سی پر داؤد نے خداوند اپنے رب وچ اپنے آپ نوں مضبوط کیتا۔

8- تے داؤد نے خداوند نوں پچھیا پئی بے میں اوس فوج دا پچھا کر اں تے کیہ میں اوہناں تیکر اپڑ سکاں گا؟
اوہنے اوہنوں آکھیا پچھا کر کیوں بے توں یقیناً اوہناں تیکر اپڑ جائیں گاتے پکاسب کجھ چھڑ الیا نوں گا۔

9- تے داؤد تے اوہ چھے سو بندے جیہڑے اوہدے نال سی ٹرے تے بسوردی ندی اُتے اپڑے جتھے اوہ لوک
جیہڑے مگر رہ گئے سی ٹھہرے رہے۔

- 10۔ پرداؤد تے چار سو بندے مگر جاندے رہے۔
- 11۔ تے اوہناں نوں میدان وچ اک مصری مل گیا۔ اوہناں اوہ داؤد دے کول لے آئے تے اوہناں روٹی دتی۔ تے اوہنے اوہ کھادی تے اوہناں نے اوہناں پین نوں پانی وی دتا۔
- 15۔ داؤد نے اوہناں آکھیا کیہ توں مینوں اوس فوج تیکر اڑا دیو نوں گا؟
- 16۔ جد اوہنے اوہناں اوتھے تیکر اڑا دتا تے ویکھیا پئی اوہ لوک اوس ساری دھرتی اُتے پھیلے ہوئے سی تے کھکاندے پیندے تے موجاں اُڑا رہے سی۔
- 17۔ تے داؤد رات دے پہلے پہر توں لے کے دو بجے دن دی شام تیکر اوہناں نوں ماردارہیا۔
- 18۔ تے داؤد نے اوہ سب کجھ جو عمالیتی لے گئے سے چھڑا لیا تے اپنیاں دونوں بڈھیاں نوں وی داؤد نے چھڑا یا۔
- 19۔ تے اوہناں دی کوئی شے نہ گواچی نہ کی نہ وڈھی نہ منڈے نہ کڑیاں نہ لٹ دامال نہ کوئی ہور شے جیہڑی اوہناں نے لئی سی۔ داؤد سارے دیاں ساریاں شیواں پر تالیا یا۔

3۔ لوقا 4 باب 14 (توں:)، 40 آیتاں

- 14۔ فیریسوع روح دی قوت نال بھریا ہو گیا گلگیل نوں پر تیا۔
- 40۔ تے سورج دے ڈُبن ویلے اوہ سارے لوک جنہاں وچ نت بیماریاں دے مریض سی اوہناں نوں اوہدے کول لیائے تے اوہنے اوہناں وچوں ہر اک اُتے ہتھ دھر کے اوہناں نوں چنگا کیتا۔

4۔ لو کا 12 باب 22 توں 24، 27 توں 31 آیتاں

22۔ فیر اوہنے اپنے چلیاں نوں آکھیا ایس لئی میں تہانوں آکھداواں پئی اپنی جان دی فکر نہ کرو پئی اسی کیہ کھانواں گے تے نہ اپنے بدن دی پئی اسی کیہ پانواں گے۔

23۔ کیوں جے جان خوراک توں ودھ کے اے تے بدن پوشاک توں۔

24۔ کانواں اُتے غور کرو پئی اوہ نہ بوندے نیں نہ وڈھدے نیں نہ اوہناں دا کھتا ہندا اے نہ کوٹھی فیر وی رب اوہناں نوں کھواندا اے۔ تہاڈی قدر تے پرندیاں تو کتے ودھ اے۔

27۔ سو سن دے رُکھاں اُتے غور کرو پئی کیوں نیں ودھ دے نیں۔ اوہ نہ محنت کر دے نیں دے نہ کت دے نیں فیر وی میں تہانوں آکھداواں پئی سلیمان وی اپنی ساری شان و شوکت دے باوجود اوہناں وچوں کسے وانگر ملبس نیں سی۔

28۔ ایس لئی جد رب میدان دی گھاہ نوں جیہڑی اج ہے اے تے کل تند و روچ ساڑ دتی جاوے گی اجیہی پوشاک پواندا اے تے اے گھٹ اعتقاد والیو! تہانوں کیوں نہ پوائے گا؟

29۔ تے تسی ایس گل دی تلاش وچ نہ رہو پئی کیہ کھانواں گے کیہ پپواں گے تے نہ شکلی بنو۔

30۔ کیوں جے ایہناں ساریاں شیواں دی تلاش وچ جگ دیاں قوماں رہندیاں نیں پر تہاڈا پپو جان دا اے پئی تہانوں ایہناں شیواں دی لوڑ اے۔

31۔ ہاں اوہدی بادشاہی دی تلاش وچ رہو تے ایہہ ساریاں شیواں وی تہانوں مل جان گیاں۔

5- یوحنا 5 باب 19، 20، 30 آیتاں

19- ایس لئی یسوع نے اوہناں نوں آکھیا میں تہاںوں سچ آکھداں پئی پتر اپنے آپ توں کجھ نہیں کر سکدا سوائے ایہدے جو کجھ پیو نوں کردا ویکھدا اے کیوں جے جنہاں کماں نوں اوہ کردا اے پتر وی اونج ای کردا اے۔

20- ایس لئی پیو پتر نوں عزیز رکھدا اے تے جسے کم آپ کردا اے اوہنوں دکھاؤندا اے بلکہ ایہناں توں وی وڈھے کم اوہنوں دکھاوے گا تاں جو تسی حیران ہوو۔

30- میں اپنے آپ توں کجھ نہیں کر سکدا۔ جیویں سُن داواں اونج ای عدالت کرداں تے میری عدالت راست اے کیوں جے میں اپنی مرضی نہیں بلکہ اپنے گھلن والے دی مرضی پوری کرنا چاہندا اے۔

6- یوحنا 7 باب 14 توں 16 آیتاں

14- تے جد عید دے ادھے دن لنگ گئے تے یسوع ہیکل وچ جا کے تعلیم دین لگیا۔

15- تے یہودیاں نے حیران ہو کے آکھیا پئی ایہنوں بغیر پڑھے لکھے علم کیویں آگیا۔

16- یسوع نے جواب وچ اوہناں نوں آکھیا میری تعلیم میری نہیں بلکہ میرے گھلن والے دی اے۔

7- یعقوب 3 باب 17 (سیان) آیت

17۔۔۔۔۔ جیٹھی سیان آتوں آؤندی اے پہلی گل اوہ پاک ہندی اے۔ فیہر ملنسار، حلیم، تربیت پذیر۔ رحم تے
چنگے پھلاں نال بھری ہوئی۔ بے طرفدار تے بے ریا ہندی اے۔

8۔ امثال 3 باب 1، 5، 6 آیتاں

1۔ اے میرے پتر! میری تعلیم نوں فراموش نہ کر۔ بلکہ تیرا دل میرے حکماں نوں منے۔

5۔ سارے دل نال خداوند اُتے بھروسہ کرتے اپنے فہم اُتے تکیہ نہ کر۔

6۔ اپنیاں ساریاں راہواں وچ اوہنوں پچھان تے اوہ تیری راہنمائی کرے گا۔

سائنس تے صحت

1۔ 8-5:587

رب۔ وڈھا میں آں؛ سب کجھ جانن والا، سب کجھ ویکھن والا، سارے کم کرن والا، ساری عقل، سارا پیار، تے ابدی، اصول، جان، روح، حیاتی، سچائی، پیار، سارا مواد؛ ذہانت۔

2- 20-16:591

عقل، کلامیں، یا اسی، کلی روح، ہستی، الہی اصول، اصل، حیاتی، سچائی، پیار، کلاب، اوہ نئیں جیہڑا انسان وچ اے، بلکہ الہی اصول یارب، انسان جید اپورا تے کامل اظہار اے، الوہیت، جیہڑی واضح کردی اے پر آپ واضح نئیں ہندی۔

3- 8-6:379

الہی سیان وچ مقرر کردہ ہر اثر نون قابو وچ کردیاں ہوئے تے ساری وجہ نون پچھان دیاں ہوئے، جگ دا اصلی اختیار سیان وچ اے۔

4- 27-23:488

سیان کلی ساریاں لیاقتاں، شعور تے فہم دی ملکیت رکھدی اے۔ ایسے لئی ذہنی صلاحیتاں تنظیم سازی تے بوسیدگی دے رحم و کرم اُتے نئیں ہندییاں، نئیں تے اوہدے کیرٹے ای انسان نوں بے روپ بنا دین۔

5- 31-29:453

اک کر سچن سائنسدان دی دوائی سیان اے، یعنی اوہ الہی سچیاں جیہڑی انسان نوں آزاد کردی اے۔ اک کر سچن سائنسدان مادی حفظان صحت دی صلاح کدی نئیں دیندا، کدی ایہدے نال چھیڑ چھاڑ نئیں کردا۔

6- 12-6:483 (سیان کر سکدی)۔

سیان شفا دے سکدی اے، پر شرط اے پئی ایہہ سیان الہی ہووے نہ کہ انسانی۔ سیان باقی ساریاں قوتاں توں اُچی اے، تے اخیریں شفا دے دو جے سارے وسیلیاں اُتے فوقیت حاصل کرے گی۔ سائنس دے راہیں شفا دین لئی تہانوں سائنس دیاں روحانی تے اخلاقی مانگاں توں بے خبر نئیں ہونا چاہیدا تے اوہناں دی نافرمانی نئیں کرنی چاہیدی۔ اخلاقی جہالت یا پاپ تہاڈے اظہار اُتے اثر انداز ہندے نیں تے کر سچن سائنس دے معیاراں دی پہنچ وچ رکاوٹ دی وجہ بن دے نیں۔

7- 15:13 (ب)۔ 19-

ایس توں پہلاں پئی اسی رب نوں یا اپنے نال دے ساتھیاں نوں دسیئے رب ساڈی لوڑ نوں پہلے توں جان دا اے۔ جے اسی ایمانداری تے خاموشی تے حلیمی دے نال ایہہ تاہنگ رکھدے آں، تے رب ساہنوں ایہہ نعمت دیوے گا، تے اسی اپنیاں اصلی تاہنگاں نوں لفظاں دے طوفان دے نال بھارے خطرے وچوں کڈھ سکال گے۔

8- 26-23:7

رب انسان توں متاثر نہیں ہندا۔ ”الہی کن“ اک سنن والا اعصاب نہیں اے۔ ایہہ سب کجھ سنن والی تے جان والی سیان اے، جیہڑی انسان دی ہر لوڑ نوں ہمیشہ جان دی اے تے جیدے پاروں ایہہ لوڑاں پوریاں ہندیاں نیں۔

9- 13-7:15

پیو جیہڑا پوشیدگی وچ اے بدنی حساں لئی نادیدہ اے، کیوں جے اوہ سب کجھ جان دا اے تے اوہ لفظاں دے مطابق نہیں بلکہ مقصد اں دے مطابق اجر دیندا اے۔ دعا دے دل وچ وڑھن لئی غلطی والے بُوہے دا بند ہونا ضروری اے۔ بل چپ تے مادیت پسندی ساکت ہونی چاہیدی اے، تاں جو انسان دے سامعین روح، الہی اصول تے اوس بیار نال بھرے ہوون جیہڑا غلطی نوں تباہ کر دالے۔

10- 23-11:84

ماضی، حال تے مستقبل نوں جاننا ازلی، الہی عقل، تے اوس عقل نال تعلق رکھن والے خیال دا خاص حق
اے۔

ہستی دی سائنس نوں جاننا ساہنوں ہو رو وسیع پیمانے اُتے الہی عقل دے نال گل کرن دے قابل بناؤندی اے،
تاں جو اوہناں واقعییاں دی پیش گوئی تے پیش بینی کیتی جاوے جیہڑے کائنات دی بھلیائی نال تعلق رکھدے
نیں، تاں جو الہی لحاظ نال متاثر ہو نیا جاسکے تے ہاں آزاد عقل دی وسعت نوں چھو نیا جاسکے۔

ایہہ سمجھنا پئی عقل لا محدود اے، مادیت وچ جکڑی نہیں، ویکھن تے سُنن لئی اکھ تے کن دی محتاج نہیں نہ ای
حرکت دی طاقت لئی پٹھیاں یا ہڈیاں تے انحصار کردی اے، عقل دی اوس سائنس ول اک قدم اے
جیدے راہیں اسی انسان دی فطرت تے وجود بارے آگا ہی حاصل کردے آں۔

11- 12-10:254

جدوں اسی صبر نال رب دی اڈیک کردے آں تے راستبازی نال سچپائی نوں لہجھدے آں تے اوہ ساڈی راہ
وچ ہدایت کردا اے۔

12- 21-14:170

سچائی دیاں مانگاں روحانی نیں تے اوہ بدن تیکر سیان دے راہیں اپڑ دیاں نیں۔ انسانی لوڑاں دے چنگے
ترجمان نے آکھیا: ”اپنی جان دی فکر نہ کریو پئی اسی کیہ کھانواں گے یا کیہ پانواں گے۔“

جے بیماری نوں روکن لئی مادی قانون نیں تے فیر بیماری دی وجہ کیہ بن دی اے؟ الٰہی قانون نیں، کیوں جے
جسمانیت دی مخالفت وچ نہ کہ تابعداری وچ یسوع نے بیمار نوں شفا دتی تے غلطی نوں باہر کڈھیا۔

13- 16-12:171

انسان نوں شامل کر کے کائنات اُتے سیان دی حکمرانی اک کھلا سوال نیں رہیا بلکہ ایہہ منی جان والی سائنس
اے۔ یسوع نے بیماری تے پاپ توں شفا دیندیاں ہوئے تے موت دی نیوں نوں نیست کر دیاں ہوئے الٰہی
اصول تے لافانی سیان دی طاقت نوں بیان کیتا۔

14- 32-26:371

انسانیت سائنس تے مسیحت دے پاروں ودھے گی۔ دوڑنوں تیز کرن دی لوڑ ایس اصلیت دی پیو اے پئی
سیان ایہہ کر سکدی اے؛ کیوں جے سیان گند دی بجائے صفائی، کمزوری دی بجائے طاقت، تے بیماری دی
بجائے تندرستی دیندی اے۔ ایہہ پورے نظام وچ بدلن دے قابل اے، تے ایہنوں ’ہر ذرے تیکر‘ بنا
سکدی اے۔

11-5:383 -15

کوئی آکھدا اے، ”میں اپنے بدن دا خیال رکھداں۔“ ایہہ کرن لئی بدن اُتے الہی سیان دا پاک تے بلند اثر ہونا
لازمی اے، تے کر سچن سائنسدان اپنے بدن دی چنگی حفاظت کردا اے جدا وہ ایہنوں اپنی سوچ توں بوہتا باہر
رکھدا اے، تے پولوس رسول وانگر، ”بدن دے وطن توں وکھ ہو کے خداوند دے وطن وچ رہنا منظور کردا
اے۔“

12-4:283 -16

سیان ساریاں حرکتاں دا وسیلہ اے، تے ایہدے لگاتار تے ہم آہنگ عمل نوں پرکھن یا ایہدے اُتے مزاحمت
کرن والی کسے طراں دی سُستی نئیں پائی جاندی۔ سیان ”کل، اج تے ہمیشہ تیکر“ حیاتی، پیار تے حکمت نال
یکساں اے۔ مادہ تے ایہدے اثر، پاپ، بیماری تے موت، فانی سیان دیاں حالتاں نئیں جیہڑیاں عمل کردیاں،
رد عمل کردیاں تے فیر خاتمے نوں اپڑ دیاں نئیں۔ اوہ سیان دیاں اصلیتاں نئیں۔ اوہ خیال نئیں بلکہ وہم نئیں۔
اصول ای مطلق اے۔ ایہہ غلطی نال نئیں منیا جاند، بلکہ فہم اُتے تکیہ کردا اے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

17- 3-32:205

جدوں اسی الہی دے نال اپنے رشتے نوں پوری طراں سمجھدے آں، تے اسی کوئی ہور سیان نہیں رکھدے
ماسوائے اوہدی سیان دے، کوئی ہور محبت، حکمت یا سچائی نہیں رکھدے، حیاتی دا کوئی ہور فہم نہیں
رکھدے، تے مادے یا غلطی دی وجودیت دا کوئی ہور شعور نہیں رکھدے۔

18- 16-9:467

ایس گل دی پوری طراں سمجھ آجانی چاہیدی اے پئی سارے انساناں دی عقل اک اے، اک رب تے پیو،
اک حیاتی، سچائی تے پیار اے۔ جدوں ایہہ حقیقت اک تناسب وچ سامنے آوے گی تے انسان کامل
ہو جاوے گا، جنگ مک جائے گی تے انساناں دی سچی بھرا بندی قائم ہو جائے گی۔ دو جے دیوتانہ ہونا، دو جیاں
ول جان دی بجائے اک کامل عقل ول جان دیاں ہوئے، انسان رب وانگر پاک تے ابدی ہو جاندا اے، جیدے
کول اوہ ای عقل اے جیہڑی مسیح وچ وی سی۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔